

U članu 4. tačka 6. briše se.

U članu 4. tačka 7. mijenja se i glasi:

“Služba za prvu pomoć i zbrinjavanje ugroženih i stradalih formira se u Organizaciji „Crveni križ Unsko - sanskog kantona.

Služba za prvu pomoć i zbrinjavanje ugroženih i stradalih vrši poslove: pružanja prve pomoći povrijeđenim i oboljelim, pružanja pomoći kod izvođenja trijaže povrijeđenih i oboljelih, pružanja pomoći u dekontaminaciji povrijeđenih i oboljelih, vrši snabdijevanje i njegu povrijeđenih i oboljelih, snabdijevanje i njegu posebno ugroženih kategorija stanovništva (trudnice, majke sa djecom, invalidi, starije osobe, lica sa posebnim potrebama i dr.), prihvata, smještaj ugroženog i stradalog stanovništva, postavljanje privremenih naselja za ugrožene i stradale, pružanje pomoći u osiguravanju neophodnih uslova za život u privremenim naseljima i snabdijevanje ugroženog stanovništva hranom, vodom i sredstvima za ličnu higijenu i drugim sredstvima neophodnim za život stanovništva na ugroženom području.“

U članu 4. tačka 8. mijenja se i glasi:

“Služba za zaštitu od šumskih požara formira se u ŠPD „Unsko-sanske šume“ Bosanska Krupa i Udruženju građana Aero-klub „Bihać“.

Služba za zaštitu od šumskih požara provodi preventivne i operativne mjere zaštite šuma od požara propisane Zakonom o šumama („Službeni glasnik Unsko-sanskog kantona“, broj: 22/12, 6/16 i 12/17), vazdušno osmatranje i izviđanje šumskog i poljoprivrednog zemljišta, izviđanje iz vazduha prilikom operacije traženja nestalih i spašavanja unesrećenih na teško pristupačnim i drugim terenima, dopremanju hrane i drugih osnovnih sredstava za život stanovništvu na području ugroženom prirodnom ili drugom nesrećom i učesće u drugim humanitarnim akcijama i pružanju organizovane stručne i druge pomoći u prirodnim i drugim nesrećama. “

U članu 4. tačke 7. i 8. postaju tačke 6. i 7.

Član 3.

Član 6. mijenja se i glasi:

“(1) Javne ustanove, privredna društva i udruženja građana iz člana 4. ove Uredbe u kojima se formiraju službe zaštite i spašavanja dužni su:

- a) donijeti propis o osnivanju službe kojim se uređuje organizacija, način funkcionisanja službe poslovi i zadaci službe, način popune službe ljudstvom i materijalno - tehničkim sredstvima i lična i materijalna formacija službe;
- b) voditi evidenciju, raspoređivanje pripadnika službe u skladu sa ličnom formacijom službe;
- c) voditi evidenciju i raspoređivanje materijalno - tehničkih sredstava i opreme službe u skladu sa materijalnom formacijom službe;
- d) donijeti godišnji program obučavanja i osposobljavanja pripadnika službe za vršenje poslova i zadataka iz nadležnosti službe;
- e) u roku od šest mjeseci od potpisivanja ugovora iz člana 10. ove Uredbe obavezni su izraditi standardne operativne procedure za angažovanje službe na zadacima zaštite i spašavanja iz nadležnosti službe.

(2) Nosioци izrade propisa i dokumenata iz stava 1. ovog člana dužni su prije donošenja istih zatražiti mišljenje Kantonalne uprave civilne zaštite o njihovoj usklađenosti sa Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“ broj: 39/03, 22/06 i 43/10) i podzakonskim propisima donesenim na osnovu ovog zakona. Ukoliko se u roku od 30 dana od dana prijema zahtjeva za davanje mišljenja Kantonalna uprava civilne zaštite ne očituje, smatraće se da je dala pozitivno mišljenje.“

Član 4.

Ova Uredba stupa na snagu danom donošenja i objaviće se u “Službenom glasniku Unsko - sanskog kantona“.